

أولياء يغبطهم الأنبياء و الشهداء | الشيخ محمد خيرى سلسلة أجود ما يكون

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل. وأشهد ان لا اله الا الله وحده لا شريك له

وأشهد ان محمدا عبده ورسوله. وبعد - [00:00:00](#)

فأسأل الله سبحانه وتعالى ان يجمعنا وياكم على سرر متقابلين غدا يوم القيامة وأسأل الله سبحانه وتعالى ان يجعلنا وياكم ممن

يغبطهم الانبياء وهل الانبياء ممكن يغبطون انسانا؟ نعم الانبياء يغبطون - [00:00:18](#)

بعض الصالحين النبي صلى الله عليه وسلم قد قال المتحابون في الله المتحابون في الله على منابر من نور. الله الله يغبطهم النبيون

والصديقون والشهداء شوفوا سبحان الله يعني هيكونوا في منابر مرتفعة من نور - [00:00:44](#)

يغبطهم على هذا المكان النبيون الصديقون الشهداء بصحيح مسلم قال النبي صلى الله عليه وسلم ان الله يقول يوم القيامة اين

المتحابون بجلالي اليوم اظلمهم في ظل يوم لا ظل الا ظلي - [00:01:18](#)

كده اما تمسك اخوك كده تقول له ايه الله يهديك انت هدفي من الحديد ده. فساعدني فيه اين المتحابون بجلالي فما تضيعش

الفرصة دي علي الاخوة سلعة غالية جدا جدا - [00:01:45](#)

الروابط والاخوة في اخوة القبيلة زي والى تمود اخاهم صالحا في اخوة النسب تطوعت له نفسه قتل اخيه يوم يفر المرء من اخيه

لاخوة النسب وفي اخوة السبب زي الصهر والغيب. فيه اخوة الارض من بلدي - [00:02:06](#)

الاسلام جاء باخوة جديدة قال انما المؤمنون اخوة سبحان الله! الاخلاء يومئذ بعضهم لبعض عدو الا المتقين. هي ديت اخوة الايه؟

الايمان انك ما تكونش عارفه ولا عمرك شفته بس مجرد ما سمعت عنه حبيته في الله. واخيته في الله - [00:02:29](#)

الاخوة في الله تستطيع انك تواجه الحياة والاخوة في الله ده ده لفز تم سرقة هذا اللفز ووضعوه في غير محله البعض وضعه في

مكان التريقة وفي مكان الاستخفاف والتنمر. يقول لك اه اخي في الله - [00:02:57](#)

ويتريق واختي في الله واختاه والكلام ده كله. ليه؟ لان الشيطان يستعمل هزه الكلمات في تقليل هذا الامر فنسأل الله العفو والعافية

فالواحد اما يستحضر مفهوم الاخوة انما المؤمنون اما يستشعر الامر ده يبدأ يعرف كويس قوي هل هو بيحب في الله وبيبغض في

الله ولا لأ والكلام ده له ترجمة النهاردة معاد الكلام عن الترجمة دي - [00:03:18](#)

الامام ابو حازم الاعرض يقول لقد رأيتنا عند زيد بن اسلم كنا نروح عنده هو من العلماء الكبار يعني رحمة الله عليه يقول كان فينا

اربعين فقيه كلهم قاعدين قال - [00:03:50](#)

الاربعين فقيه دول فيهم خصلة لهم خصال كثيرة جدا. ادنى خصلة فيهم. الخصلة الاقل خالص. ايه هي بقى ادنى خصلة فينا التواسي

بما في ايدينا الله اكبر. بيقول اقل حاجة عندنا ان احنا بنتواسي فيما بيننا فيما في الايه؟ كل واحد في ايده حاجة - [00:04:07](#)

اخوي يملكها عادي جدا سبحان الله ولذلك يا جماعة يوم القيامة الشمس هتقرب اوي اوي من الرؤوس وتقترب جدا وان الانسان

يفرق في العرق بتاعه. كل واحد على حسب زنوبه - [00:04:29](#)

يقول النبي صلى الله عليه وسلم لكن في ناس هتعدى ورجلان تحابا في الله في اتنين حبوا بعض في الله اتنين حبوا بعض في الله

اجتمعا عليه وافترقا عليه ولذلك النبي صلى الله عليه وسلم حديث ابن عمر لما يسأل - [00:04:52](#)

جاء رجل الى النبي صلى الله عليه وسلم فقال يا رسول الله اي الناس احب الى الله واي الاعمال احب الى الله وقال النبي صلى الله عليه وسلم احب الناس الى الله انفعهم للناس - [00:05:15](#)

واحب الاعمال الى الله سرور تدخله على مسلم شوفوا التفنن بقى في التواد يا جماعة احب الناس الى الله انفعهم للناس حاول تحاسب نفسك وتشوف كده انت اول حاجة بتنفع الناس ولا لا - [00:05:37](#)

وطبعا كلما كان النفع اخروي كلما كان الحب علوي سماوي اللي بينفعك ويبيديك لقمة تاكلها ده يا جماعة مش زي ابدأ. اللي بيديك حاجة تخليك في النعيم الخالد يوم القيامة - [00:05:59](#)

ولذلك بلال ابن سعد دي كلمة جميلة جدا جدا يقول ايه بقى؟ بيقول اخ كلما لقيك ذكرك وذكرك بنصيحة خير ممن كلما لقيك وضع في كفك دينارا بيقول لك خلي بالك بس اللي بيزكرك بالنصيحة ده - [00:06:19](#)

احب وانفع لك من اللي كل اما بيقابلك بيديك فلوس اللي اما يجي يقابلك كده يقول لك طمنا عليك. اخبارك؟ اعمل ايه مع مصحفك؟ اعمل ايه؟ طمنا على برك. مهتم بوالدتك ولا مش مهتم؟ عامل ايه مع ولادك؟ لسه يعني - [00:06:39](#)

انتبه اوعى تكون شادد عليهم اتق الله فيهم. انت هتتسأل عنهم. خليك حنين ارفق بهم ان دايمًا يزكرك بالشئ الذي يعود عليك. وما فيش مشكلة ان هو بيديك فلوس ويساعدك لو انت فقير - [00:06:55](#)

ولذلك يا جماعة من الناس اللي فاتهم جزء كبير من التوفيق وان كانوا هم موفقين ان شاء الله اللي يبصرفوا على الفقراء ويهتموا باجساد الفقراء واجساد الابطام ولا يهتمون بقلوب هؤلاء. ولا عقول هؤلاء. اللي بيهتموا بدنياهم وينسوا اخراهم - [00:07:13](#)

بتلاقي في واحدة بتركز جدا ان هي قاعدة تجوز البنت. تجوز العروسة. تجوز البنت الفقيرة وهي قاعدة بتجهزها تجيب لها بقى اللبس وتجيب لها الاجهزة وتجيب لها حاجات كتير اوي - [00:07:37](#)

البنت ديت بشعرها البنت دي مقصرة في الصلاة في واحدة تانية بقى وهي بتساعد واحدة فقيرة تقول لها اخبارك ايه مع الصلاة عاوزك تزبطي في الصلاة بقى انت خلاص كبرتي انت هتفتحي بيت - [00:07:54](#)

هتعملي ايه قدام اولادك فسبحان الله المعنى ده الانسان عما يستحضره يبقى عارف كويس قوي ان هو صاحب رسالة فالنبي صلى الله عليه وسلم يقول احب الناس الى الله انفعهم للناس - [00:08:10](#)

واحب الاعمال واحب الاعمال الى الله سرور تدخله على مسلم سبحان الله شوفوا يا جماعة اما يكون احب الاعمال الى الله انك تفرح اخيك انك دايمًا تفرح كده ايه الاخ اللي قدامك انك تفرحي اختك - [00:08:26](#)

تاخذ بالك بقى لو كانت والدتك لو كان والدك دين جميل دين يخليك انك بس مجرد بس يعني تزغزغ قلب اللي قدامك كده وتفرحه في يا جماعة واحد كده من اصحابك او صاحبائك بتحس اول ما بتحس كده انك متضايقه او اي حاجة قاعدة تتفنن تخرجك من المود ده - [00:08:48](#)

ليه؟ في ناس بتعملها طبع. موجود ان هي دي طبعها فرفوشة كده وبتاع. وفي ناس بيعملها ديانة قل كيف انام وهي مهمومة خلينا يا عم نقعد كده نص ساعة نحاول ايه ندردش في اي حاجة كده نطلعها من الهم اللي هي فيه ده. انت بتعمل كده ليه - [00:09:08](#)

وايه اللي بعمل كده ليه؟ سرور ادخلها على مسلم احوال اجبر قلب هذا الانسان فسبحان الله! يا اه يعني مش تبغي يعني اصل انت مش بتحب الهزار حتى لو ده تبغي. لكن هذا الطبع انا - [00:09:26](#)

يعني جعلته عادة بسبب هذا الامر فالمعنى ده مهم جدا. لأ اصل انا منطقي اصل انا تحليلي ما ليش في الهزار ما ليش في كذا. اه انت ما لكش في الجنة ولا ايه - [00:09:39](#)

ما فيش حاجة اسمها انا ما ليش انت ما لكش في ادخال السرور على مسلم انت ما لكش ما ينفعش تبقى مسلم وتيجي تقول لي انا ما ليش. لأ روض نفسك - [00:09:51](#)

عمر لما لقي النبي صلى الله عليه وسلم مهموم وعمر رجل شديد عمر رجل شديد لما عرف النبي صلى الله عليه وسلم مهموم قال ايه والله لاضحك رسول الله انا ما استحملش لانه متضايق كده. انا هادخل اخليه يضحك. انت يا عمر طب ابعته طيب المقداد؟ ابعته آ

اي حد يعني بلاش - 00:10:01

انت يا عمر انت لا لا عمر يدخل ويضحك النبي صلى الله عليه وسلم في موقف صعب جدا وده يدل على ايه يدل ان الصحابة عندهم الطبع بتاعهم والنمط بتاعهم بيطوعوه للدين. بيلينوه للدين - 00:10:24

مش انا شديدة انا اصل انا اتولدت في مجتمع ما كانش بيحنوا علي فانا مش هاحنو على حد هي صحيفتك فاملئها كما تحبي فيقول النبي صلى الله عليه وسلم واحب الاعمال الى الله سرور تدخله على مسلم - 00:10:44

او تكشف عنه كربة. فيه واحد يقول لي سبحان الله! فلان ده عم الاقيه متصل الان وبيبعث لي او بيكتب الان انا نفسي كده بحس ان انا اه ارتحت. وليكن بكون مهموم - 00:11:03

اول ما الاقيه يكتب الان نقول شعور كده ايا كان بقى هيكتب ايه بس انا عارف ان هو اتى بادخال السرور عليه اما بلاقي كده رنة موبايل ولا هيسألني حتى لو قال لي اي حاجة تانية بعيد عن الموضوع اللي انا مبتلى فيه - 00:11:13

انا حاسس ان انا ايه بيقول لي اشوفه في الشارع كده يسلم علي نزرات عينه كده لوحدها بتدخل السرور على قلبي سبحان الله اه كعب بن مالك كان مر بازمة كبيرة جدا كتير جدا منكم عرفها لا يخفى على شريف علمه - 00:11:27

فكعب ابن مالك مر بازمة ضخمة. والمهم ايه اتأخرت آآ زهور التوبة بتاعته خمسين يوم وسبحان الله لما اتأخر التوبة بتاعته اتأخرت التوبة بتاعته المهم نزلت توبته من فوق سبع سماوات - 00:11:44

واخير النبي الصحابة فالمهم واحد راح قال لكعب رضي الله عنه. فكعب دخل المسجد فكل الناس قاعدة من الصحابة في واحد بس يعني كله بيهنيه وهو قاعد. مبروك يا ابو كعب الحمد لله ابشر مش عارف ايه - 00:12:01

لكن طلحة قام سلم عليه الية ده صحابي يا جماعة ربنا اثنى عليه في القرآن وامرنا كلنا نكون زيه الصدق بتاعه ومع ذلك في جانب بشري بقى عنده الجانب الايماني ربنا قال اتقوا الله وكونوا مع الصادقين. واثنى عليه الرب جل وعلا - 00:12:18

والنبي صلى الله عليه وسلم اثنى عليه. ده الجانب الايماني لكن الجانب الانساني الجانب البشري اللي موجود في اي حنة راح اعيد اللي حصل لما قال قام سلم عليه قال له لم يقيم لي الا طلحة ولا انساها لطلحة - 00:12:38

مممكن بقى واحد اليومين دول بقى من الناس اللي ممكن تكلعك المواضيع يقولوا ايه ايه يا عم اللين ده يا عم! ايه اللي عمله طلحة يعني! قام سلم عليك! انت يعني افورة قوي يعني على فكرة - 00:12:58

لا هو مش افورة هو انسان هو انسان بس كون ان البعض لا يلتقط هذه المعاني ولا ينتبه لهذا المعنى فده حاجة خاصة به فيقول احب الاعمال سرور الى الله سرور تدخله الى انفسنا. يا جماعة انت يعني اما تقوم الليل ده عمل حلو - 00:13:08

انك تتصدق بعمل حلو انك بقى تعمل عمل تدخله على مسلم ده حاجة كبيرة اوي اوي وطبعاً بعض الناس ممكن ايه هنا الحنة هنا فيها آآ مشاكل كتير. ممكن واحد يقول لك اصل هم ما بيردش علي. هو انت بتعمله عشان يرد - 00:13:29

هو انا عم ادخل عليك السرور انا مستني منك انك ترد لي حضرتك رديت علي ما ردتش انا ما لي ومال اللي حضرتك ترد ولا ما تردش انا مش مستني رد فعلك - 00:13:46

فرد فعلك انت المسؤول عنه انا مسنول عن فعلي اما الرد الفعل انت اللي هتدخل به قيرك انا مالي والله حضرتك عملت رد فعل كويس جزاك الله خيرا. قابلت ادخال السرور ده بانك دخلت علي سرور - 00:13:56

حضرتك بقى عملت تعامل ثاني؟ انا ما لي يا عم! ده صحيفتك وانت اللي بتملها بالعكس ده ده من علامات الاخلاص العالي. لان لو رد علي يعني انا مسلا ايه ادخال سرور عليك. اديتك هدية عملت اي حاجة بعث لك رسالة فانت بترد علي - 00:14:09

بموقف حلو ما ده ممكن يهيجني ان انا اكمل معك. لكن اما ترد علي بموقف فيه خشونة وانا اكمل معك. لا ده ده دليل على ايه انا مش مشغول بك انا مشغول بادخال السرور - 00:14:25

شوفوا يا جماعة احب الاعمال ادخال السرور صح الرد على السرور ده ايه؟ لا يشغلني انت ترد كويس ما تردش كويس ده ردك انت اللي هيبقى في صحيفتك انت فده دين سبحان الله جميل وبعدين برضو ما تقفلش الدائرة على مسلم بعينه - 00:14:39

على فكرة طب انا بقى بركز جدا جدا مع ندى ودايما ندى ترد علي بردود ناشفة. وانت حضرتك هو النبي صلى الله عليه وسلم قال
واحب الاعمال سرور تدخله على مدى؟ هو حضرتك ليه مركزة مع ندى - [00:14:59](#)

انا مسلم مسلم ده ممكن تبقى العاملة اللي عندك مسلم ده بتاع الدليفري مسلم ده ماما مسلم ده خالته عمته وزميلتك في الجامعة
مسلم مسلم بما المسلمين انك سرور تدخله عليه او تكشف عنه كربة - [00:15:09](#)

لقيته كده مدايق ومكروب ومش عارف ايه وبتاع والكلام ده كله. وكربة بسيطة جدا ممكن يكون مسلا في برنامج ومش عارف يكتب
الحاجة على الورد ومش عارف بيعت مش العيال بيشغل المايك. يا جماعة الدرس بي فوتني - [00:15:25](#)

ايه حسنت ان هي كربة؟ هي بالنسبة لك حاجة بسيطة لكن سبحان الله انك تروح داخل له على الخاص وتقول له طيب انا فيك انا
معك وقد اتيت اجبر همك. قل لي ايه المشكلة؟ ايه اللي عندك؟ البتاع لأ افتح كذا اعمل كذا. سلام عليكم. عليكم السلام. انت تعرفني؟
أ - [00:15:38](#)

انا شففتك بس متلخبط كده فقلت ايه ادخل اساعدك والسلام عليكم وعليكم السلام تكشف عنه كربة او تقضي عنه ديننا تقضي عنه
دينا يا جماعة سبحان الله! فيه واحد كده - [00:15:57](#)

يدخل سوبر ماركت في الحي فيقول له مين الناس اللي بياخدوا بالآجل بالقسط الشكك يعني والكلام ده الناس ايه البسطاء كده
تلاقيهم بياخدوا حاجات جديدة فيقولوا والله انا عندي كمشكول في ناس واخدة كذا كذا كذا - [00:16:11](#)

يقولوا مين منهم البسطاء؟ يقول له ده وده وده طيب اسقط لي ديون الناس دي كلها وخدوا الحاجة دي كلها خلاص اياك وحزاري
تقول لهم مين تقول مين اللي عمل الكلام ده - [00:16:27](#)

بل كان احيانا يدخل بكمامة او الناس ما تعرفوش انا مالي ومال الناس تعرفني ما تعرفنيش انا داخل اخلص حاجة وامشي. انا داخل
يا جماعة املى حاجة في صحيفتي وامشي. انت يهملك بقى الناس شافتك رايح ازود سطر - [00:16:42](#)

في الصحيفة بتاعتي ما يشغلنيش بقى الناس تاخذ بالها مين انا ولا مش مين انا وخلاص سبحان الله! يعني سبحان الله اللقاء الليلي
دوت على قناة القناة دي انا عارف ان في حد من المحسنين آآ من الاخوات هو اللي جدد الاشتراك بتاعها. جينا نجدد كده ففي حد
سبق فجدد الاشتراك - [00:16:56](#)

فاحنا عندنا اللقاء بيتجاوز العدد الغرفة بتقف بسرعة خالص. فانا باقول ما شاء الله هذا رمضان كله لفلان. اللي انا ما اعرفوش منه
اصلا. مين اللي عمل حركة هو خد غرفة هو باع كل واحد بقى يا جماعة بيتاجر مع ربنا والفتوحات بتيجي بقى - [00:17:20](#)

تقضي عنه ديننا او تطرد عنه جوعا شف كم واحد جعان وانت قاعد عمال تاكل السمبوسة وانت قاعد عمال تاكل اللوز والفرزدق وبتاع.
كم واحد عندك جعان تطرد عنه جوعا؟ لان الجوع ده قاعد او مال يهاجمه - [00:17:39](#)

وعدو وانت قاعد تطرده عنه تطرد عنه جوعا سبحان الله ولان امشي ركزوا يا جماعة ولان امشي مع اخي في حاجة احب الي من ان
اعتكف في هذا المسجد اي مسجد النبي صلى الله عليه وسلم شهرا - [00:17:52](#)

تاني تاني يقول النبي صلى الله عليه وسلم ولان امشي مع اخي في حاجة احب الي من ان اعتكف في هذا المسجد مسجدي يعني
شهرا طيب المسجد يا جماعة مسجد النبي صلى الله عليه وسلم - [00:18:12](#)

الصلاة فيه بكام صلاة الصلاة فيه بكام صلاة ها ميت الف صلاة الف ميت الف ده الحرم المكي احنا النهاردة عندنا الف صلاة
طيب انا في الشهر هصلي كم صلاة - [00:18:29](#)

في المسجد النبوي عندي ثلاثين ثلاثين يوم في خمس فروض. ادي مية وخمسين فرض مية وخمسين اضرب في الف انتم متخيلين؟
اه طب انا هعمل كده في الصلاة بس انا هعمل كده في الصلاة لأ ده انا هعتكف يعني ايه هعتكف - [00:18:49](#)

يعني واحد هات بقى تسبيح وكم صلاة على النبي وهفتح كم صفحة قرآن واقراها وكم ذكر وكم تفكر في رسول الله وكم وكم وكم
وكم وكم يعني بقت مشحون بالحسنات كأن السماء تمطر بل سيول بتنزل - [00:19:07](#)

كل ده النبي صلى الله عليه وسلم يقول لك كل ده على جنب اه انك تمشي مع اخيك في حاجة مع اخيك ده احب الى الله ايه ايه

ايه جمال ديننا ده يا جماعة حتى تقضيها له تسبتهها له. انك تقضيها له احياناً بتكون بسيطة جداً جداً يا جماعة فيه ناس عنده زكاة للمال. صح في ناس عنده زكاة اسمها زكاة العلاقة - 00:19:34

يقول لك بص انا علاقتي متشعبة وسط انا الحمد لله لي علاقات قوية جداً البلد لو يجي واحد مسلاً ايه يقول لي طب انا عاوز حد انا عندي مشكلة معينة كده فعاوز حد يتوسط في الموضوع ده. يقول له طيب يعني ده ايه دي يعني ده هل - 00:19:49

مسلاً حرجة في الاقتصاد حاجة في وزارة المالية حاجة في وزارة كذا فيقول له انا والله دي ديت حاجة كده في المالية مسلاً تقول له طيب ماشي ان شاء الله بكرة هرد عليك. ويروح مدي له تليفون حد ويقول له ده مسلاً منصبه كذا كذا - 00:20:06

كلمه وقل له انت من طرف فلان كان يعمل الكلام ده كتير يعني. ففي يوم من الايام باقول له ما شاء الله عليك انت مركز اوي قال لي بص انا كنت في المساجد وكنت مشغول جداً بتجارتني - 00:20:21

اه لو كنت قصدي بالدعوة وكده والحفز القرآن وكده. والدي توفاه الله مات. وساب تجارة جامدة جداً هذه التجارة ما كانش فيه حد هيورسها الا انا. فانا انشغلت جداً بقى. التجارة دي خلتنني ان انا اعرف علاقات ضخمة جداً في البلد - 00:20:34

فبدأت اي حد من اهل الاحسان عاوز حاجة انا اقول خلاص هي ديت الحسنة اللي انا هخش منها فيقول لي زي ما انا عندي اتنين ونص في المية زكاة. انا عندي اتنين ونص في المية اه علاقات - 00:20:50

اوصل الناس بالعلاقات. فواحد عاوز يعمل كتاب انا عارف ناس في الاوقاف كبيرة وتتمنى تخدمني اتواصل معهم واقول لهم يا اهل الخير انا الحي ده عاوز يعمل كتاب هيبعت لكم - 00:21:05

اه حد يعمل واحد اتنين ثلاثة اربعة فيقول سبحان الله يروح فهو يخلص هنا ويخلص هنا ويخلص في هنا حضانة بتاعة ايتام وعليها مشكلة والرخصة مش عاوزة تخلص وبتاع والكلام ده كله. هو عارف ناس من ايه في الجهات المختصة - 00:21:18

خص بهزه الاشياء فيبدأ يشفع شفاعة حسنة فجميل ان يكون عندك العمق الجميل ده انك تشفع شفاعة حسنة سبحان الله فيقول النبي امشي مع اخي في حاجة احب الي من ان اعتكف في هذا المسجد - 00:21:31

ومن كف غضبه ستره الله ومن كظم غيظه ولو شاء ان يمضيه امضاه ملأ الله قلبه رجاء يوم القيامة يا سلام طيب اللي يمشي مع اخيه في حاجة حتى يتهيأ له - 00:21:51

الحاجة ديت خلاص بتتقضي اثبت الله قدمه يوم تزول الاقدام يا سلام يا سلام يا سلام! كله خايف لا يضيع وخايف ليقع يوم القيامة امسك حد من اخواتك وقضي له مشواره لغاية ما يتم - 00:22:10

وايه وانت تكون احرص عليها ان الموضوع يتم. والله العزيم فيه ناس انا اعرفهم يكونوا معنا كده في مشاوير وبتاع هو احرص على حاجة انها تتم من من الانسان نفسه - 00:22:29

اقول له يا عم خلاص الموضوع انتهى يقول لي لا لا تخلص بس تخلص لغاية ما يخلصها خالص يروح مراجع له يقول له ايه؟ ها كده خلصت اه مطمئن اه - 00:22:40

طب دي حاجة باقية؟ يقول له لأ خلاص يا عمه الموضوع انتهى وجزاكم الله خيراً. والولد في ربيع هدومه من الحياء وبعد كده يوصله او بيعت حد بالعربية يوصله. وبعد ما يوصل خالص يقول لي ايه - 00:22:48

بس انا كده ان شاء الله ضمننت ان هي ايه تهيأت لها ويمسك في الحديث ده. في ناس يا جماعة بوصلته الحديث ده عايش نايم عارفين الدركيون بتاع العربية بتاعته؟ هو الحديث ده حطه قدام حياته وماشي بقى - 00:22:58

فكلما وجد حسنة في الطريق نزل فالتقطها. ده واحد ما بيسكتش يعني مش بمجرد ان يشوف ان الحاجة كده تمشي لأ. سبحان الله! وشوفوا الحديث الاخر يقول النبي صلى الله عليه وسلم المؤمن مرآة المؤمن - 00:23:15

اخوك مرايتك اخوك المراية بتاعتك. المراية بتشعرك دايم بالامان. لو في حاجة في وشك جميلة فانت بتستحسنها فتقول الحمد لله. لو في حاجة مسلاً آ اللي هدم مش مترتبة بتاع شعرك جاي على ناحية المراية يعني بترشدك وتبين لك. فدايم المؤمن مرآة اخيه

صح يقول النبي المؤمن اخو المؤمن حيث لقيه يكف عليه ضيعته. يا سلام! يا سلام على الحديدس! شوفوا بيقول ايه كف عليه ضيعته ايه الجمال ده يا جماعة؟ اخوك المؤمن - 00:23:55

ليكف عليك الضيعة بتاعتك واية كمان يقول النبي صلى الله عليه وسلم يكف عليه ضيعته ويحوطه من ورائه. ان اخوك يا جماعة محوطك من وراك اخوك ده يعني عارف كده زي ما يكون في واحد - 00:24:11

عارف كده مسلا الناس اللي بتحمي هو قاعد في ضهرك يا جماعة عارف كده لما واحد يقول لك ايه؟ خليك في ضهري او يقول لك ما لكش دعوة رح انت اتوكل على الله انا انا في ضهرك - 00:24:31

سبحان الله. فالنبي صلى الله عليه وسلم يقول يكف ضيعته ويحوط من ورائه فانت مرآة لاختك ببصر حاله فيك يشوف حاله فيك انت لانيك انت المرآة اللي هو يشوف كل حاجة فيها - 00:24:44

يكف الضيعة يعني يجمع ليل معيشته. يلبي له احتياجاته. ان كان عنده فضل بيعود به عليه يحوطه من وراه انا اعرف ناس يا جماعة عامل مفتاح العربية بتاعته نسختين لصديق ليه مدي له بتاع يقول له في اي وقت انت عاوز ادخل على الجراج على طول وخذ العربية في اي وقت - 00:25:00

يكون هو مسافر مسلا رايح عمرة والكلام ده كله يسبب له العربية معه يقول له يعني انت عارف سبحان الله واعرف ناس يقول عنده عربيتين عربية له عربية لزوجته عربية زوجته وزوجته قلائلة الحركة - 00:25:21

هيعمل ايه ياخذ العربية دي ويسيبها عند ناس من اهل الخير زي مسلا مركز ايتام بتاع الناس بقى بتكون بتحافظ على الحاجة وناس سقة يعني يقوم العربية ديت وقف لكم لو عاوزين انتم تروحوا بها اي مشوار - 00:25:36

ولو الزوجة عاوزتها تتصل بكم ان هي تكون رايحة مشوار ولا حاجة. لكن هي معكم تحت امركم. شوفوا في اي وقت انتم عاوزين ايه فحاجة مركونة يقول لي هي مركونة. الزوجة ممكن تركبها مشوارين في الشهر. طيب ليه يبقى باقي الشهر الناس دي تستفيد منها -

00:25:52

يبقى العربية واقفة ففي واحد من الشباب بيقول له طب افرض اتخبطت قال له عادي جدا ما هو برضو ممكن تتخبط مع زوجتي. لأ ده في رواية حسنة ان هي هتتخبط مع زوجتي. يمكن مع التانيين ممكن ما تتخبطش - 00:26:07

فالشاهد يعني من الكلام ان في ناس يا جماعة وطبعا في واحد يقول لك ايه اين هؤلاء انا نفسي في الناس اللي زي ديت دول غابوا لما اهل المروءة والعفة غابوا - 00:26:21

هو حضرتك اما تقول اين هؤلاء انت وقل انت كن انت قل انت التغيير الذي تريده حولك. ابدأ بنفسك لو انت صادق وفعلا لكن في واحد يقول لك ايه؟ فين يا اخي؟ فين الناس اللي بيقتضوا لك حاجتك - 00:26:34

دول الناس دي اختفوا لما حضرتك اختفيت وما بتقضي حاجة غيرك ده انت مش عاوز تقضي حاجة والدتك عاوز تلاقي حد يقضي حاجتك؟ فالناس دي بتختفي لما حضرتك نفسك بتختفي لكن اي ما طريق سلكت وردت على اهله - 00:26:49

ايهما طريق سلكت وردت على اهلك؟ فمن سلك طريق الابرار وجد الابرار. ومن سلك طريق الاشرار وجد الاشرار بحديث للنبي صلى الله عليه وسلم. وبالتالي من سلك طريق جبر القلوب - 00:27:08

وطريق ادخال السرور على الناس هيلاقى مين؟ ما هو هيلاقى ناس كثير شبهه في الشارع ده ناس كثير على الاقل هيبداوا يقلدوه عم هو جبر قلب آآ غيره هم يجبروا قلوب بعض بقى. يقول لك ايه والله انا استفدت منه لما عمل كذا وهم استفادوا. وهو نفسه عمال

يحتاجهم بدون ما يقول لهم - 00:27:22

لو لان يا جماعة دي قاعدة بتغيب في وسط الاحداس رغم ان كلنا عارفينها كلنا عارفينها وما فيش واحد تقريبا ما يعرفهاش. هل جزاء الاحسان الا الاحسان يا جماعة هو انت فاكر ان هتعمل الكلام ده ومش هتلاقيه. والله لتلاقي طعمه في الدنيا - 00:27:44

وهتلاقيه في الاخرة قطعاً لكن في الدنيا هتلاقيه وانت عم تيسر على المسلمين الله سبحانه وتعالى لا ييسر. هاختم بحديث انا طبعا

يعلم الله ما كنتش هتكلم في الكلمة دي في الحديث ده ده الحديث ده كان بند واحد كنت اتكلم فيه يعني المفترض فيه ست -

[00:28:04](#)

في حاجات هنتكلم فيها يعني في واجبات الاخوة فده كان الحاجة الاولى الحديث الاولاني لكن هختم باسر الاسر ده مهم اوي اوي في اخ بيقول انا لما اكون مضغوط وكان عندي حاجة عاوز اقصيها وفي حاجة ضروري لازم تتقضي الفترة دي بعمل ايه؟ بشوف

[00:28:21](#) - حاجة -

لحد من الشباب او حد من اخواني او حد من المسلمين واقضيها له ليه يقول لي لاني الحاجة بتاعتي انا انا محتاج معية كبيرة قوي والله سبحانه وتعالى قال وانا في عون العبد ما كان العبد في عون اخيه - [00:28:46](#)

الله يعني انك تمشي في حاجة اخوك انا دلوقتي في واحد اخ محتاجني في حاجة فانا هروح معه في حاجته احتمال تتقضي واحتمال ما تتقضي صح يعني انا دلوقتي لو حضرتك محتاجة حاجة او حضرتك محتاج حاجة وانا جيت معك احتمال تتقضي

واحتمال ما تتقضي مش تتقضي صح - [00:29:04](#)

لكن اذا كان الله معي قطعاً ستقضى والله في عون العبد اذا كان الله في عونك انتهت الموضوع فانا وانا بخدم اخويا احتمال تيجي واحتمال ما تيجي. بس انا عندي يقين ان الله اذا كان في عوني قضي الامر - [00:29:24](#)

فالدين جميل وابواب الجنة واسعة وابواب الجنة دخول الجنة بعدد انفاذك يعني في اعمال كتير ممكن تخش بها الجنة. عشان كده يا جماعة يوم الجنة ده يوم القيامة ده يوم - [00:29:42](#)

يوم عجب! عجب! انت ما تعرفش ايه اللي هيعديك وياه اللي هيعطلك فتلاقي حاجات بسيطة اوي اوي اوي. عشان كده الشرع النبي صلى الله عليه وسلم يسر جدا النجاة - [00:29:56](#)

اتقوا النار ولو بشق تمرة. النشرة وحشة قوي. وصعب قوي يعني ابعد عنها ولو بنص تمرة. ابعد لانك مش هتتحملها لن تتحمل هذه النار. فالدين يسر جدا ولزلك النبي صلى الله عليه وسلم قال الجنة اقرب لاحدكم من شراك نعله. الجنة اقرب جدا من الحزاء اللي انت

لابسه - [00:30:08](#)

شفت انت عشان توطي وتنزل وبتاع ممكن تتعب علشان توصل للحزاء الجنة بقى اقرب لك وايسر والنار مسل ذلك برضو يعني

اللاتين يعني متيسرين جدا جدا. تبقى قاعد كده فواحد يغتاب واحد فتدوس معه. قربت جدا من النار - [00:30:29](#)

واحد تاني يا جماعة اللي انتم بتقولوه ده اتقوا الله. والله يا جماعة انا ما اعرفش عنه الا خير. يا جماعة هو مسلم وبيعمل لدين الله.

اتقوا الله من دب عن عرض اخيه ذب الله عنه النار يوم القيامة. يبقى فيه اتنين اهم مجلس ما عداش دقيقة - [00:30:46](#)

لقطة او بوست اتكتب. واحد ادى لايك وواحد قال له اتق الله بس. اللي ادى لايك شل يلا قل لها له اتق الله ذب عن عرض اخيه يذب

الله عنه النار يوم القيامة. شف الدنيا سلسلة ازاي - [00:31:00](#)

في لقطة ده يروح الناحية دي وده يروح الناحية دي لكن ايه اللي يخلي الانسان فايق دايم انك تفهم اهمية اخوه وقيمة الاخوة

وقيمة يعني ايه وجبت محبتي او عوا تنسوا الحديث ده وجبت محبته - [00:31:14](#)

هتضيعها اوعى تضيعها احنا في شهر الجود جوده بقى في الموضوع ده. اطلع النهاردة كده من النهاردة لبكرة. عاوزك النهاردة الشعار

بتاعك سرور ادخله وعلى مسلم. عاوزك كده تدبني قايمه كده انا الحمد لله ادخلت على المسلمين دول - [00:31:28](#)

مجموعة من السرور بازن الله ارجو ان الله سبحانه وتعالى يتقبل مني. فانا عاوز الاربعة وعشرين ساعة اللي احنا فيهم دول

حضراتكم التوب يعني اساتزة واي مسلم بقى مش شرط المسلم. وطبعاً بقى المسلم بابا وماما يعني من اول الناس اللي يدخلوا يعني

- [00:31:45](#)

فادخلت ادخلوا السرور على المسلمين. خليك كده يا جماعة زي المعطر اللي كل شوية ببيخ بخة كده. عارفين المعطر كده اللي بيكون

دايم في الاماكن العامة تلاقي كل دي دقيقة كده بتزبط كده معين بعدد دقائق يروح عامل ايه؟ مطلع بخة كده صح - [00:32:05](#)

خليك انت كده بخة سرور بخة جبر بخة آآ دايم ايه آآ شفاعة حسنة. دايم انسان شغال معطر فهو طبعا معطر لغيره ومعطر لصحيفته

ومعطر لقبره ومعطر لسيرته في الدنيا وفي الآخرة. نسال الله ان يعطر - 00:32:21
قلوبنا وعقولنا ويفهمنا مراده ويرزقنا العلم النافع والعمل الصالح. واسأل الله ان يمن علي وعليكم بحسن عمل وحسن خلق وحسن
ختام. اقول قولي هذا واستغفر الله لي ولكم - 00:32:40